

Bosna i Hercegovina  
Federacija Bosne i Hercegovine

Bosna i Hercegovina  
Federacion of Bosnia and  
Hercegovina



Tuzlanski kanton  
Općina Kladanj

Canton of Tuzla  
Municipalitu Kladanj

*TELEFONI: telefon/fax : 035 / 622-060*

---

**SLUŽBENI GLASNIK**  
***OPĆINE KLADANJ***

**BROJ : 2/08**

**12.05. 2008. GODINE**

GLASNIK izdaje Stručna Služba Vijeća i Načelnika  
GLASNIK izlazi po potrebi

# SADRŽAJ

## I AKTA OPĆINSKOG VIJEĆA

1. Odluka o izmjeni i dopuni Odluke o administrativnim taksama i Tarifama općinskih administrativnih taksi
2. Odluka o pristupanju izradi Urbanističkog projekta Dovišta "Djevojačka pećina" Brateljevići
3. Rješenje o imenovanju članova Savjeta za izradu urbanističkog projekta Dovišta "Djevojačka pećina" Brateljevići
4. Odluka o dopuni Odluke o uslovima, kriterijima i postupku imenovanja u regulirane organe
5. Odluka o obliku i sadržaju obrasca vijećničkih legitimacija
6. Odluka o visini naknade za rad u Općinskoj izbornoj komisiji za 2008. godinu
7. Rješenje o razrješenju člana Komisije za mjesne zajednice, saradnju sa općinama i gradovima i odnose sa vjerskim zajednicama
8. Zaključak o prihvatanju Glavnog projekta Sportske dvorane Kladanj, Broj: 1- VI/ 08, sa Elaboratom o geomehaničkim ispitivanjima tla, izrađenim od strane "Instituta za zaštitu, ekologiju i obrazovanje" d.d. Tuzla
9. Zaključak o usvajanju Izvještaja o realizaciji Programa rada Općinskog vijeća Kladanj za 2007. godinu
10. Zaključak o usvajanju Izvještaja o radu Općinske izborne komisije Kladanj za 2007. godinu
11. Zaključak o usvajanju Plana rada Općinske izborne komisije za 2008. godinu

## II AKTA OPĆINSKOG NAČELNIKA

1. Pravilnik o rukovanju gotovim novcem
2. Odluka o načinu izmirenja potraživanja od građana na ime naknada za izdavanje građevinske dozvole u postupku aplikacija na Oglas za odobravanje bespovratnih novčanih sredstava za pomoć u rješavanju stambenih potreba boraca i članova njihovih porodica za 2008. godinu
3. Odluka o obliku i sadržaju iskaznice državnih službenika i namještenika u Jedinstvenom općinskom organu uprave Općine Kladanj
4. Odluka o pokretanju postupka javne nabavke - Direktnim sporazumom za nabavku i ugradnju natpisnih ploča za zgradu Općine Kladanj i zgradu Mjesnog ureda Stupari
5. Odluka o pokretanju postupka javne nabavke - Direktnim sporazumom za prepravku plišanih zavjesa i izradu crne i bijele scene u objektu Doma kulture u Kladnju

6. Odluka o pokretanju postupka javne nabavke - Direktnim sporazumom za nabavku garniture stolova za salu Općinskog vijeća u Kladnju
7. Odluka o pokretanju Ponovnog postupka javne nabavke - konkurentski zahtjev za dostavljanje ponuda sa dodatnim obavještenjem za nabavku roba - sukcesivna nabavka roba i potrošnog materijala za kuhinju, obilježavanje jubileja i sredstava za održavanje čistoće u 2008 godini
8. Odluka o izdvajanju sredstava za nagrađivanje
9. Odluka o naknadi članovima Općinskog štaba civilne zaštite Kladanj za 2008.godinu
10. Odluka o pokretanju postupka javne nabavke - Pregovarački postupak bez objavljivanja obavještenja za dodatne radove na projektu - Izgradnja kanalizacione mreže u MZ Tarevo - naselje Avdići
11. Odluka o vršenju naplate naknade za ekotaksu
12. Odluka o organizovanju Manifestacije „Dani Općine Kladanj“ 2008
13. Odluka o izdavanju sredstava iz Budžeta Općine Kladanj za 2008.godinu
14. Rješenje o imenovanju Komisije br. 02-14-1778/08 od 07.04.2008.godine
15. Rješenje o imenovanju Komisije za javne nabavke broj: 02-14-1323/08 od 14.04.2008.godine
16. Rješenje o imenovanju Komisije za javne nabavke broj: 02-14-1853/08 od 21.04.2008.godine
17. Rješenje o imenovanju Komisije za javne nabavke broj: 02-14-1854/08 od 21.04.2008.godine
18. Rješenje o imenovanju Komisije za javne nabavke broj: 02-14-1914/08 od 21.04.2008.godine
19. Rješenje o imenovanju Komisije za određivanje privremene lokacije za stočno groblje
20. Rješenje o imenovanju Komisije za javne nabavke broj: 02-14-6542-1/08 od 05.05.2008.godine

### **III ISPRAVKA**

1. Ispravka Programa finansiranja komunalnih djelatnosti za 2008. godinu

Na osnovu člana 42. a u vezi sa članom 122. stav 3. Statuta Općine Kladanj – prečišćen tekst („Sl. glasnik Općine Kladanj“, broj: 1/01,1/03,2/04 i 2/05), Općinsko vijeće Kladanj na sjednici održanoj 19.04. 2008. godine , d o n o s i

## ZAKLJUČAK

I

Prihvata se Glavni projekat Sportske dvorane Kladanj Broj: 1- V/ 08, sa Elaboratom o geomehaničkim ispitivanjima tla, izrađenim od strane “Instituta za zaštitu , ekologiju i obrazovanje” d.d. Tuzla .

II

Zaključak će se objaviti u „Službenom glasniku Općine Kladanj“ .

**OPĆINA KLADANJ**  
**OPĆINSKO VIJEĆE**

Broj: 01- 40- 2119/08  
Kladanj, 19.04. 2008. godine

**PREDSJEDAVAJUĆI**  
Općinskog vijeća  
**Zijad Hodžić,v.r.**

Na osnovu člana 42. a u vezi sa članom 122. stav 3. Statuta Općine Kladanj – prečišćen tekst („Sl. glasnik Općine Kladanj“, broj: 1/01,1/03,2/04 i 2/05), Općinsko vijeće Kladanj na sjednici održanoj 19.04. 2008. godine , d o n o s i

## ZAKLJUČAK

I

Usvaja se Izvještaj o realizaciji Programa rada Općinskog vijeća Kladanj za 2007. godinu.

II

Zaključak će se objaviti u „Službenom glasniku Općine Kladanj“ .

**OPĆINA KLADANJ**  
**OPĆINSKO VIJEĆE**

Broj: 01- 05 -2123//08  
Kladanj, 19.04.2008. godine

**PREDSJEDAVAJUĆI**  
Općinskog vijeća  
**Zijad Hodži,v.r.**

Na osnovu člana 42. a u vezi sa članom 122. stav 3. Statuta Općine Kladanj – prečišćen tekst („Sl. glasnik Općine Kladanj“, broj: 1/01,1/03,2/04 i 2/05), Općinsko vijeće Kladanj na sjednici održanoj 19.04. 2008. godine , d o n o s i

## **ZAKLJUČAK**

I

Usvaja se Izvještaj o radu Općinske izborne komisije Kladanj za 2007. godinu.

II

Zaključak će se objaviti u „Službenom glasniku Općine Kladanj“ .

**OPĆINA KLADANJ**  
**OPĆINSKO VIJEĆE**

Broj: 01-05 -2125/08  
Kladanj, 29.12.2007. godine

**PREDSJEDAVAJUĆI**  
Općinskog vijeća  
**Zijad Hodžić, v.r.**

Na osnovu člana 42. a u vezi sa članom 122. stav 3. Statuta Općine Kladanj – prečišćen tekst („Sl. glasnik Općine Kladanj“, broj: 1/01,1/03,2/04 i 2/05), Općinsko vijeće Kladanj na sjednici održanoj 19.04. 2008. godine , d o n o s i

## ZAKLJUČAK

I

Usvaja se Plan rada Općinske izborne komisije Kladanj za 2008. godinu

II

Zaključak će se objaviti u „Službenom glasniku Općine Kladanj“ .

**OPĆINA KLADANJ**  
**OPĆINSKO VIJEĆE**

Broj: 01- 05 - 2126/08  
Kladanj, 19.04.2008. godine

**PREDSJEDAVAJUĆI**  
Općinskog vijeća  
**Zijad Hodžić, v.r.**

Na osnovu člana 13. Poslovnika o radu Općinskog vijeća Kladanj ("Sl. glasnik Općine Kladanj", broj :4/05, 6/05 i 7/07) Općinsko vijeće Kladanj na sjednici održanoj dana 19.04. 2008. godine, d o n o s i

## **ODLUKU**

### **o obliku i sadržaju obrasca vijećničkih legitimacija**

#### Član 1.

Ovom Odlukom propisuje se oblik i sadržaj obrasca vijećničkih legitimacija , te vođenje evidencije o izdatim vijećničkim legitimacijama .

#### Član 2.

Vjećnička legitimacija je dimenzije 9x6 cm i sačinjena je od korica tvrdog poveza bijele boje sa crnim slovima sa sljedećim tekstom :

Grb općine

Bosna i Hercegovina  
Federacija Bosne i Hercegovine  
Tuzlanski kanton  
Općinsko vijeće - Kladanj

## **VIJEĆNIČKA LEGITIMACIJA**

SLIKA  
VIJEĆNIKA

Ime i prezime vijećnika  
JMB  
Serijski broj

Obrazac vijećničke legitimacije je sastavni dio ove odluke. ( Prilog br. 1.)

#### Član 3.

Vijećničke legitimacije izdaje predsjedavajući Općinskog vijeća .

#### Član 4.

O izdatim vijećničkim legitimacijama radi se evidencija .

Evidenciju radi sekretar Općinskog vijeća u knjizi evidencije o izdatim vijećničkim legitimacijama. Obrazac knjige evidencije o izdatim vijećničkim legitimacijama je sastavni dio ove odluke ( prilog br. 2).

Član 5.

U slučaju nestanka ili uništenja vijećničke legitimacije izdaje se duplikat.


Član 6.

Ova Odluka stupa na snagu danom objavljivanja u "Službenom glasniku Općine Kladanj":

**OPĆINA KLADANJ**  
**OPĆINSKO VIJEĆE**  
Broj : 01- 05 - 2124/08  
Kladanj ; 19.04. 2008. god.

**PREDSJEDAVAJUĆI**  
Općinskog vijeća  
**Zijad Hodžić , v.r.**

Prilog broj 1.

<i>Grb općine</i>	<i>Bosna i Hercegovina Federacija Bosne i Hercegovine Tuzlanski kanton Općinsko vijeće – Kladanj</i>
<b>VIJEĆNIČKA LEGITIMACIJA</b>	
	<i>Ime i prezime</i> _____ <i>JMB</i> _____ <i>Serijski broj:</i> _____

Prilog broj 2.

<i>Rb .</i>	<i>Ime i prezime vijećnika</i>	<i>Jedinstveni matični broj</i>	<i>Datum izdavanja</i>	<i>Potpis vijećnika</i>	<i>Napomena</i>

Na osnovu člana 2. 12. stav 7 . Izbornog zakona BiH («Službeni glasnik BiH », broj: 23/01, 7/02, 9/02, 20/02, 25/02, 04/04, 20 /04, 25/05 ,52/05 i 77/05 ) i člana 6.Odluke o naknadi predsjedniku i članovima Općinske izborne komisije Kladanj («Sl. glasnik Općine Kladanj«,br. 4/02) i člana 42. Statuta Općine Kladanj – prečišćen tekst ( «Službeni glasnik Općine Kladanj », broj: 01/01, 1/03 i 2/04 i 2/05),Općinsko vijeće Kladanj na sjednici održanoj 19.04. 2008. godine, donosi

**O D L U K U**  
**o visini naknade za rad u Općinskoj izbornoj komisiji**  
**za 2008. godinu**

Član 1.

Ovom Odlukom utvrđuje se stalna mjesečna naknada za rad predsjednika, članova i tehničkog sekretara Općinske izborne komisije Kladanj za 2008. godinu .

Član 2.

Naknada iz člana 1. ove Odluke utvrđuje se u iznosima kako slijedi :

- Predsjedniku i članovima OIK-e naknada će se isplaćivati u mjesečnom neto iznosu od 500,00 KM ;
- Tehničkom sekretaru OIK-e naknada će se isplaćivati u mjesečnom neto iznosu od 300,00 KM .

Član 3.

Odluka stupa na snagu danom objavljivanja u «Službenom glasniku Općine Kladanj».

**OPĆINA KLADANJ**  
**OPĆINSKO VIJEĆE**  
Broj: 01- 14 - 2127/08  
Kladanj; 19.04. 2008. godine

**PREDSJEDAVAJUĆI**  
Općinskog vijeća  
**Zijad Hodžić**

Na osnovu 42. Statuta Općine Kladanj – prečišćen tekst (»Sl. glasnik Općine Kladanj« broj: 1/01, 1/03 , 2/04 ,2/05 i 6/05 .) a u vezi sa članom 36. Poslovnika Općinskog vijeća Kladanj („Službeni glasnik Općine Kladanj“, broj : 4/05, 6/05 i 7/07) ,Općinsko vijeće Kladanj na sjednici održanoj dana 19.04. 2008. godine, d o n o s i

## **R J E Š E N J E**

**o razrješenju člana Komisije za mjesne zajednice ,  
saradnju sa općinama i gradovima i odnose sa vjerskim zajednicama**

I

Razrješava se dužnosti člana Komisije za mjesne zajednice , saradnju sa općinama i gradovima i odnose sa vjerskim zajednicama Fadil Musić na lični zahtjev .

II

Rješenje će se objaviti u „Službnom glasniku Općine Kladanj“.

**OPĆINA KLADANJ**  
**OPĆINSKO VIJEĆE**  
Broj: 01- 05 - 2128/08  
Kladanj; 19.04. 2008. godine

**PREDSJEDAVAJUĆI**  
Općinskog vijeća  
**Zijad Hodžić, v.r.**

Po izvršenom sravnjavanju sa izvornim tekstom , utvrđeno je da su se u tekstu Programa finansiranja komunalnih djelatnosti za 2008. godinu („ Sl. glasnik Općine Kladanj“, broj:1/08), potkrale niže navedene greške, pa se na osnovu člana 138. Poslovnika Općinskog vijeća Kladanj („Službeni glasnik Općine Kladanj“, broj : 4/5,6/5 i 7/079 , daje sljedeća

## **ISPRAVKA**

### **Programa finansiranja komunalnih djelatnosti za 2008. godinu**

1. U tački 6. **OSTALI RADOVI** pod A. Razni radovi iza podtačke v) u tekstu Predviđena sredstva : umjesto iznosa „28.334, 00 KM „ treba da stoji iznos „ 30.884,00 KM“.
2. U tački 6. **OSTALI RADOVI** iza tačke D. u tekstu UKUPNO . 6. OSTALI RADOVI (sa PDV-om ) umjesto iznosa „ 51. 276,43 KM „ , treba da stoji iznos „ 54. 354,60 KM“.
3. U tabelarnom pregledu **FINANSIJSKI PLAN UTROŠKA SREDSTAVA ZA OBAVLJANJE KOMUNALNIH POSLOVA OD DRUŠTEVNOG INTERESA** u koloni 3. pod rednim brojem 1. „ODRŽAVANJE ČISTOĆE“ umjesto iznosa „110. 760,25 „treba da stoji iznos „108 210,08“, a pod rednim brojem 6.“OSTALI RADOVI“ umjesto iznosa „51 . 804, 43“ treba da stoji iznos „54.354,60“

Broj : 01-14-2228/08  
Kladanj, 09.05.2008. godine

SEKRETAR  
Općinskog vijeća  
**Meliha Krekić, v.r.**

Na osnovu člana 32. Zakona o prostornom uređenju („Službene novine Tuzlanskog kantona“ broj 3/05) i člana 42. Statuta Općine Kladanj – prečišćeni tekst („Službeni glasnik Općine Kladanj“ broj :1/01 i 1/03), Općinsko vijeće Kladanj na sjednici održanoj dana 19.04.2008. godine, d o n o s i

## **O D L U K U**

### **o pristupanju izradi Urbanističkog projekta Dovišta „Djevojačka pećina“ Brateljevići**

#### Član 1.

Pristupa se izradi Urbanističkog projekta Dovišta „Djevojačka pećina“ Brateljevići u cilju prostornog uređenja i izgradnje kompleksa „Djevojačka pećina“, koji obuhvata površinu od cca 10,00 ha.

#### Član 2.

Prostor iz člana 1. Ove Odluke definisan je slijedećim granicama: granica sa označenim brojem 1. Koordinata x i y a koji se nalazi sa lijeve strane uzvodno od potoka „Gluha bukovića“, a u neposrednoj blizini propusta na putu. Sa ovog mjesta granica ide u pravcu juga u dužini od 145 m dolazi do mjesta označenim koordinatama sa brojem tri. Granica sa ovog mjesta ide u pravcu jugozapada do mjesta označenog sa koordinatama br 5 a u dužini od 130 m. Dolje granica ide u istom pravcu u dužini od 100 m do mjesta označenog koordinatama br. 6. Granica i dalje ide u istom pravcu u dužini od 125 m do mjesta označenog koordinatom broj 7. Dalje granica ide u pravcu juga u dužini od 115 m do mjesta označenog koordinatama br. 8. Granica i dalje ide u pravcu juga do mjesta označenog koordinatom br. 9 u dužini od 90 m. Granica i dalje ide u pravu juga u dužini od 107,5 m do mjesta označenog koordinatom br. 10. Sa ovog mjesta se granica blago lomi u šravu zapada do mjesta označenog koordinatom br. 11 a u dužini od 110 m. Na ovom mjestu granica se lomi pod uglom od 270 stepeni ide u pravcu istoka do mjesta označenog koordinatom br. 12 a u dužini od od 70 m. Sa ovog mjesta se granica lomi pod uglom od 90 i ide u pravcu sjevera u dužini od 265 m dolazi do mjesta označenog koordinatom br. 13. Granica dalje ide u pravcu sjevera u dužini od 235 m do mjesta označenog koordinatama br. 14. Dalje granica ide u pravcu sjevera do mjesta označenog brojem 15 u dužini od 115 m. Na ovom mjestu granica se blago lomi ide u pravcu istoka u dužini od 110 , do mjesta označenog koordinatama br. 16. Granica dalje ide u istom pravcu do mjesta označenim koordinatama br. 17 u dužini od 20 m. Sa ovog mjesta granica blago lomi u pravcu sjevera pod uglom od 260 do mjesta označenog koordinatama br. 18 u dužini od 90 m. Granica na ovom mjestu se lomi u pravcu istoka u dužini od 65 m dolazi do mjesta označenog koordinatama br. 19. Dalje ide u istom pravcu u dužini od 67,5 m do mjesta označenog koordinatama br. 20. Na ovom mjestu se blago lomi u pravcu istoka u dužini od 20 m dolazi do mjesta označenog koordinatama br. 21. Granica dalje ide u pravcu istoka u dužini od 23 m do mjesta označenog koordinatama br. 22. Dalje granica ide u istom pravcu u dužini od 18 m do mjesta označenog koordinatama br. 23. Granica i dalje ide u istom pravcu u dužini od 25 m do mjesta označenog koordinatama br. 24. Na ovom mjestu granica se blago lomi u pravcu juga u dužini od 30 m do mjesta označenog koordinatama označenog br. 25. Sa ovog mjesta granica se lomi pod uglom od 90 stepeni ide u pravcu sjevera u dužini do 55 m dolazi do mjesta označenog koordinatom br. 26. Na ovommjestu granica se lomi pod uglom od 90 stepeni ide u pravcu sjeverozapada u dužini od 50 m do mjesta označenog koordinatom br. 27. Granica dalje ide u istom pravcu u dužini od 40 m do mjesta označenog koordinatom br. 28. Na ovom mjestu granica se lomi u pravcu sjevera u dužini od 55 m do mjesta označenog koordinatom br. 29. Dalje granica ide u istom pravcu u dužini od 20 m do mjesta označenog koordinatom br. 30. Na ovom mjestu granica se blago lomi u pravcu zapada u dužini od 40 m do mjesta označenog koordinatom br. 31. Granica i dalje ide u istom pravcu u dužini od 60 m do mjesta

označenog koordinatom br. 32. Dalje granica ide u dužini od 60 m do mjesta označenog koordinatom br. 32. Granica i dalje ide u istom pravu u dužini od 45 m do mjesta označenog koordinatom br. 33. Na ovom mjestu granica se blago lomi u pravu sjevera u dužini od 150 m dolazi do mjesta označenog koordinatom br. 34. Sa ovog mjesta granica se lomi u pravu sjevera u dužini od 30 m dolazi do označenog mjesta koordinatom br. 4 sa ovog mjesta granica ide u pravcu sjevera u dužini od 85 m dolazi do mjesta označenog koordinatom broj 2 . Na ovom mjestu se granica lomi pod uglom od 90 stepeni u pravcu zapada u dužini od 58 m dolazi do mjesta br. 1. Označene koordinate odakle je i počela. Sastavni dio ove Odluke je grafički prikaz i spisak koordinata prelomnih tačaka.

### Član 3.

Planirane namjene područja definisanog članom 2 su slijedeće:

- Zaštita Djevojačke pećine – špilje sa posebnim ambijentalnim značajem,
- Zaštita okolnog područja,
- Plansko uređenje dovišta – područja za razvoj vjerskog turizma,
- Prateći objekti za razvoj vjerskog i drugih vidova turizma,
- Saobraćajne površine,
- Prateća komunalna infrastruktura.

### Član 4.

Za potrebe stručnog praćenja, usmjeravanja i utvrđivanja koncepta prostornog uređenja obuhvaćenog Urbanističkim projektom iz člana 1. ove Odluke, imenovat će se Savjet plana.

### Član 5.

Urbanistički projekat iz člana 1. Ove Odluke donosi se za period od 5 godina. Nakon toga perioda neophodno je u skladu sa zakonskim odredbama, izvršiti noveliranje Projekta.

### Član 6.

Urbanistički projekat izradit će se u skladu sa sadržajem koji je za ovu vrstu projekta utvrđen Zakonom o prostornom uređenju i shodno odredbama Uredbe o jedinstvenoj metodologiji za izradu dokumenata prostornog uređenja.

### Član 7.

Nosioc pripreme za izradu Urbanističkog projekta je Služba za geodetske, imovinsko pravne poslove i prostorno uređenje općine Kladanj i Savjet plana imenovan od strane Općinskog vijeća Kladanj.

Nosioc pripreme za izradu će nosiocu izrade Urbanističkog projekta dovišta „Djevojačka pećina“ Brateljevići dati smjernice za izradu ovog projekta i Program uključivanja javnosti u proces pripreme i izrade plana.

### Član 8.

Nosioc izrade Urbanističkog projekta bit će odabran poslije provođenja postupka javnog nadmetanja definisanog Zakonom o javnim nabavkama BiH.

Član 9.

Rok izrade Urbanističkog projekta je 3 (tri) mjeseca, stim što će se sa izradom Urbanističkog projekta započeti nakon stupanja na snagu ove Odluke.

Član 10.

Potrebna sredstva za izradu ovog Urbanističkog projekta obezbijedit će se iz Budžeta Općine i iz drugih izvora.

Član 11.

Ova Odluka stupa na snagu narednog dana od dana objavljivanja u „Službenom glasniku Općine Kladanj“.

**OPĆINA KLADANJ**  
**OPĆINSKO VIJEĆE**  
Broj: 01-23- 2120/08  
Kladanj: 19.04. 2008. godine

**PREDSJEDAVAJUĆI**  
Općinskog vijeća  
**Zijad Hodžić, v.r.**

Na osnovu člana 34. Zakona o prostornom uređenju („Službene novine Tuzlanskog kantona“ broj 3/05), te člana 4. Odluke o pristupanju izradi Urbanističkog projekta Dovišta „Djevojačka pećina“ Brateljevići, i člana 42. Statuta Općine Kladanj – prečišćeni tekst („Službeni glasnik Općine Kladanj“ broj:1/01 i 1/03), Općinsko vijeće Kladanj na sjednici održanoj dana 19.04. 2008. godine, d o n o s i

**R J E Š E N J E**  
**o imenovanju članova Savjeta za izradu Urbanističkog projekta**  
**Dovišta “Djevojačka pećina” Brateljevići**

Član 1.

U Savjet za izradu Urbanističkog projekta Dovišta “Djevojačka pećina” Brateljevići imenuju se:

- 1.1. Fuad Imamović, Načelnik općine Kladanj, predsjedavajući,
- 1.2. Fahrudin Delić, Predstavnik Ministarstva prostornog uređenja i zaštite okolice TK, član,
- 1.3. Dragica Tešić, Predstavnik Zavoda za prostorno planiranje i urbanizam TK, član,
- 1.4. Predstavnik Ministarstva za poljoprivredu, šumarstvo i vodoprivredu, član,
- 1.5. Izudin Selimbašić, član,
- 1.6. Senad Mazalović, Predstavnik Turističke zajednice TK, član,
- 1.7. Nela Đozić, vijećnik Općinskog vijeća Kladanj, član,
- 1.8. Baisa Šarić, Pomoćnik načelnika, član,
- 1.9. Raza Ruščuklija, član,
- 1.10. Fatima Vejzović, član,
- 1.11. Enes ef. Hodžić, Predstavnik Medžlisa Islamske zajednice Kladanj, član,
- 1.12. Sakib Hajdarević, Predstavnik Medžlisa Islamske zajednice Kladanj, član,
- 1.13. Teufik Selimbašić, Predstavnik U.G. „Djevojačka pećina“ Brateljevići-Kladanj, član.

Savjet plana stručno prati, usmjerava i utvrđuje koncept prostornog uređenja Urbanističkog projekta Dovišta “Djevojačka pećina” Brateljevići.

Član 2.

Savjet će raditi u sjednicama, a sjednice će sazivati i njima koordinirati Načelnik općine putem Nosioca pripreme Urbanističkog projekta.

Član 3.

Ovo Rješenje stupa na snagu narednog dana od dana objavljivanja u “Službenom glasniku Općine Kladanj”.

**OPĆINA KLADANJ**  
**OPĆINSKO VIJEĆE**  
Broj:01- 05-2121/08  
Kladanj: 19.04. 2008. godine

**PREDSJEDAVAJUĆI**  
Općinskog vijeća  
**Zijad Hodžić**

Na osnovu člana 47. Statuta Općine Kladanj („Sl. glasnik Općine Kladanj „ broj : 1/01,1/03, 2/04 i 2/05) , Općinsko vijeće Kladanj na sjednici održanoj dana 19.04. 2008. godine , d o n o s i

**O D L U K U**  
**o dopuni Odluke o uslovima , kriterijima i postupku imenovanja**  
**u regulirane organe**

Član 1.

U Odluci o uslovima, kriterijima i postupku imenovanja u regulirane organe ( „Sl. glasnik Općine Kladanj „ broj : 1/04), u članu 7. iza stava jedan dodaje se stav dva koji glasi :

*„Izuzetno od odredbe stava jedan ovog člana alineje jedan kandidat može imati srednju stručnu spremu prilikom kandidovanja za člana Upravnog odbora predstavnika ustanova i javnih preduzeća „,*

Član 2.

Ova Odluka stupa na snagu narednog dana od dana objavljivanja u „Službenom glasniku Općine Kladanj“.

**OPĆINA KLADANJ**  
**OPĆINSKO VIJEĆE**  
Broj:01- 05-2130/08  
Kladanj: 19.04.2008. godine.

**PREDSJEDAVAJUĆI**  
Općinskog vijeća  
**Zijad Hodžić, v.r.**

Na osnovu člana 13. Zakona o principima lokalne samouprave u Federaciji Bosne i Hercegovine („Sl. novine F BiH“, broj: 49/06) i člana 42. Statuta Općine Kladanj - prečišćen tekst (“Službeni glasnik Općine Kladanj”, broj: 1/01, 1/03, 2/04 i 2/05), Općinsko vijeće Kladanj na svojoj sjednici održanoj dana 19.04.2008.godine, donijelo je

## **O D L U K U**

### **o izmjeni i dopuni Odluke o administrativnim taksama i Tarifni općinskih administrativnih taksi**

#### Član 1.

U Odluci o administrativnim taksama i Tarifni općinskih administrativnih taksi (“Službeni glasnik Općine Kladanj”, br. 1/03) u članu 8. tačka 6. mijenja se i glasi:  
“6. Invalidi preko 50% invaliditeta”.

U istom članu u tački 7. iza riječi poginulih briše se riječ “boraca” i dodaje “zarezi” i tekst “umrlog, nestalog borca, koji su iza poginulog ostvarili pravo na porodičnu invalidninu i ratni vojni invalidi”.

#### Član 2.

U članu 10. dodaje se tačka 9. koja glasi:  
“9. U postupku pribavljanja dokumentacije u cilju stipendiranja i pomoći u školovanju”.

#### Član 3.

U TARIFI OPĆINSKIH ADMINISTRATIVNIH TAKSI vrše se sljedeće izmjene i dopune:

U poglavlju III OVJERA POTPISA, RUKOPISA I PREPISA Tarifni broj 4. tačka 4. mijenja se i glasi:  
“4. Za ovjeru ugovora čija je vrijednost:

- do 500 KM .....	15 KM
- od 501 KM do 1.000 KM .....	20 KM
- od 1.001 KM do 1.500 KM .....	25 KM
- od 1.501 KM i više .....	40 KM
- ako vrijednost ugovora nije određena .....	40 KM
- ako je vrijednost ugovora neprocjenjiva, plaća se .....	75 KM
- za ovjeru potpisa na ugovoru o jemstvu .....	5 KM”.

U poglavlju IV TAKSE IZ OBLASTI GRAĐANSKIH STANJA Tarifni broj 5. tačka 3. mijenja se i glasi:

- “3.a) Za vjenčanje osoba koje imaju prebivalište na području općine Kladanj, u radne dane u periodu od 7,30 - 16,00 sati taksa se ne naplaćuje.  
b) Za vjenčanje osoba koje nemaju prebivalište na području općine Kladanj u radne dane u periodu od 7,30 - 16,00 sati plaća se taksa u iznosu od 20,00 KM.

c) Za vjenčanje osoba koje imaju prebivalište na području općine Kladanj izvan radnog vremena i vjenčanja koja se organizuju izvan službenih prostorija Općine plaća se taksa u iznosu u od 100,00 KM.

d) Za vjenčanje osoba koje nemaju prebivalište na području općine Kladanj, izvan radnog vremena i vjenčanja koja se organizuju izvan službenih prostorija Općine plaća se taksa u iznosu u od 150,00 KM.

U poglavlju IV TAKSE IZ OBLASTI GRAĐANSKIH STANJA Tarifni broj 7. u dijelu "NAPOMENA" alineja 2. mijenja se i glasi i dodaje alineja tri:

"- Invalidi sa preko 50% invalidnosti".

"- Članovi porodice šehida, poginulog, umrlog, nestalog borca koji su iza poginulog ostvarili pravo na porodičnu invalidninu, kao i ratni vojni invalidi.

- Kao i djeca nezaposlenog demobiliziranog borca u postupku pribavljanja dokumentacije u cilju stipendiranja, pomoći u školovanju kao prava predviđenih Zakonom o dopunskim pravima branitelja i članova njihovih obitelji (uvjerenja iz matičnih knjiga i dr.)".

U poglavlju VII - Građevinske takse u Tarifnom broju 15. u dijelu "NAPOMENA" alineja 1. iza riječi poginulih briše se riječ "boraca" dodaje se "zarež" i tekst "umrlog, nestalog borca koji su iza poginulog ostvarili pravo na porodičnu invalidninu".

U alineiji 3. iza riječi RVI briši se riječi "sa utvrđenim stepenom invaliditeta preko 50%".

U Tarifnom broju 17. u dijelu "NAPOMENA" alineja 1. iza riječi poginulih briše se riječ "boraca" i dodaje "zarež" i tekst "umrlog, nestalog borca koji su iza poginulog ostvarili pravo na porodičnu invalidninu".

U alineiji 2. iza riječi "RVI" briše se tekst "sa utvrđenim stepenom invaliditeta preko 50%".

Tarifni broj 22. u dijelu "NAPOMENA" alineja 1. iza riječi "poginulih" briše se riječ "boraca" i dodaje tekst "umrlog, nestalog borca koji su iza poginulog ostvarili pravo na porodičnu invalidninu".

U alineiji 2. iza riječi "RVI" briše se tekst "sa utvrđenim stepenom invaliditeta preko 50%".

#### Član 4.

Ova Odluka stupa na snagu danom objavljivanja u "Službenom glasniku Općine Kladanj".

**OPĆINA KLADANJ**  
**OPĆINSKO VIJEĆE**  
Broj: 01- 14-2122/ 08  
Kladanj, 19.04.2008.godine

**PREDSJEDAVAJUĆI**  
Općinskog vijeća  
**Zijad Hodžić ,v.r.**